

ქ. თბილისი

18 დეკემბერი 2020 წელი

ერთის მხრივ შ.პ.ს. „ფსიქიკური ჯანმრთელობის და ნარკომანიის პრევენციის“ (შემდგომში „შემსყიდველი“) წარმოდგენილი მისი გენერალური დირექტორის ლაშა კილაძის სახით და მეორეს მხრივ, შპს „დენიმა“ (შემდგომში „მიმწოდებელი“) წარმოდგენილი მისი დირექტორის მალხაზ ბენიძის სახით, შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ მიერ გამოცხადებული ელექტრონული ტენდერი (პრეისკურანტით) **SPA200002903** შედეგების და პირობების მიხედვით დებენ წინამდებარე ხელშეკრულებას შემდეგზე:

1. ხელშეკრულების საფუძველი

1.1. „სახელმწიფო შესყიდვების შესახებ“ საქართველოს კანონი.

1.2. სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული გამარტივებული ელექტრონული ტენდერის და ელექტრონული ტენდერის ჩატარების წესის დამტკიცების შესახებ“.

2. ხელშეკრულების საგანი

2.1. შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ 2021 წლის შემოსავლების ფარგლებში სასადილოებისა და საზოგადოებრივი კვების საწარმოების, საკვების მიწოდების მომსახურებების (CPV55521200) შესყიდვა.

3. ხელშეკრულების საერთო ღირებულება

3.1 ხელშეკრულების საერთო ღირებულება შეადგენს 130 000,00 (ასოცდაათი ათასი) ლარს.

3.2. პრეისკურანტის ღირებულებაა 57.00 (ორმოცდაჩვიდმეტი) ლარი. ერთეულის ღირებულებები განისაზღვრება პრეისკურანტში შემავალი ერთეულის ღირებულებების შესაბამისად.

4. ხელშეკრულების შესყიდვის ობიექტი

4.1. ხელშეკრულების (შესყიდვის) ობიექტია: სასადილოებისა და საზოგადოებრივი კვების საწარმოების მომსახურებების (შემდგომში საქონელი) დანართი №1-ის და დანართი №2-ის შესაბამისად.

4.2. დანართი №1 და დანართი №2 წარმოადგენს ხელშეკრულების განუყოფელ ნაწილს, სადაც მოცემულია შესყიდვის ობიექტის დეტალური აღწერილობა.

4.3. ხელშეკრულების დადების შემდეგ, პრეისკურანტში მომსახურების რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას, დგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში შესაბამისი მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

5. შესყიდვის ობიექტის ხარისხი

5.1. შესყიდვის ობიექტის ხარისხი უნდა შეესაბამებოდეს „მიმწოდებლის“ მიერ სატენდერო წინადადებაში და ტექნიკურ დოკუმენტაციაში ასახულ ინფორმაციას.

5.2. შესყიდვის ობიექტის უხარისხობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი ხარჯებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

6. შესყიდვის ობიექტის მიწოდების პირობები, ადგილი და ვადები.

6.1 მომსახურების მიწოდება განხორციელდება ყოველდღიურად, შემსყიდველის მიერ განსაზღვრული გრაფიკის მიხედვით ოთხჯერადი კვება ორჯერადი მოტანით, განსაკუთრებულ შემთხვევაში (მხარეთა შეთანხმებით) სამჯერადი ან ოთხჯერადი შემოტანით, 2021 წლის 01 იანვრიდან 2021 წლის 31 დეკემბრის ჩათვლით.

6.2. მომსახურების გაწევის ადგილია, ქ. ქუთაისი, ჩხოზაძის #15-ში მდებარე სასადილოში, მიმწოდებელმა უნდა საკუთარი ტრანსპორტით და ინვენტარით უნდა უზრუნველყოს მიწოდება და საკვების ატანა შესაბამის სართულზე სანიტარული ჰიგიენური პირობების დაცვით.

6.3. მომსახურების მიწოდების ადგილი – ქ. ქუთაისი, ჩხოზაძის #20.

7. შესყიდვის ობიექტის მიღება-ჩაბარების წესი

7.1. შემსყიდველის მიერ მომსახურების მიღება წარმოებს ეტაპობრივად. მომსახურების მიწოდების დასრულების შემდგომ ფორმდება მიღება-ჩაბარების აქტი.

7.2. მიღება-ჩაბარების აქტებს შემსყიდველის მხრიდან ხელს აწერს ცენტრის ქუთაისის კლინიკის უფროსი ექთანის ელისო გორდუხიანი, ხოლო მიმწოდებლის მხრიდან მის მიერ უფლებამოსილი პირი.

7.3. შესყიდვის ობიექტის მიღება-ჩაბარებისათვის მიმწოდებელმა უნდა წარმოადგინოს შესაბამისი დოკუმენტი დასახელების, რაოდენობის, ერთეულის ფასის და საერთო ღირებულების მითითებით.

7.4. მიმწოდებელმა უნდა უზრუნველყოს შემსყიდველისათვის 7.3. პუნქტში მითითებული დოკუმენტაციის წარდგენა „საქონლის“ დანიშნულ ადგილზე მიწოდებისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯისათვის ეკისრება მიმწოდებელს.

7.6. „საქონლის“ მიღების დროს გამოვლენილი დეფექტისა და ნაკლის აღმოფხვრას, აუცილებლობის შემთხვევაში გამოცვლას საკუთარი ხარჯებით უზრუნველყოფს „მიმწოდებელი“.

7.7 იმ შემთხვევაში, თუ „შემსყიდველის“ მიერ საბოლოო შემოწმების შედეგად გამოვლენილი იქნება „შესყიდვის ობიექტის“ უხარისხობა, იგი წერილობით აცნობებს „მიმწოდებელს“ და მოითხოვს სათანადო კომპენსაციას.

8. ანგარიშსწორების წესი, ფორმა და ვადები

8.1.1 სატენდერო წინადადების საერთო და ერთეულის ფასი გამოსახული უნდა იყოს შესყიდვის ობიექტის მიწოდებასთან დაკავშირებული მიმწოდებლის ყველა ხარჯის (მ.შ. ტრანსპორტირება, ადგილზე მიწოდებასთან დაკავშირებული ყველა ხარჯი და კანონმდებლობით გათვალისწინებული გადასახადები) გათვალისწინებით;

8.1.2. ანგარიშსწორება მოხდება თვეში ერთხელ, თვის განმავლობაში ფაქტიურად გაწეული მომსახურების (პრეისკურანტის შესაბამისად მიწოდებული საკვების) ღირებულების თანხაზე, მხარეთა შორის მიღება-ჩაბარების აქტის გაფორმების და შესაბამისი დამადასტურებელი დოკუმენტების წარმოდგენის შემდეგ, წარმოდგენიდან 10 (ათი) სამუშაო დღის განმავლობაში.

8.1.3. იმ შემთხვევაში, თუ წლის განმავლობაში ფაქტიურად გაწეული მომსახურების ღირებულება ნაკლებია სახელშეკრულებო ღირებულებაზე, მიმწოდებელი კარგავს აუთვისებელი თანხის მოთხოვნის უფლებას.

8.1.4. წინასწარი ანგარიშსწორება არ დაიშვება;

9. პირგასამტეხლო

9.1. ხელშეკრულებით ნაკისრი ვალდებულების ხელშეკრულებით განსაზღვრული ვადების გადაცდენის შემთხვევაში მომწოდებელს ეკისრებათ პირგასამტეხლოს გადახდა, ყოველ გადაგადაცილებულ დღეზე ხელშეკრულების ღირებულების 0,2%-ის ოდენობით.

9.2. ხელშეკრულებით განსაზღვრული ნაკისრი ვალდებულების სრულად ან ნაწილობრივ (ცალკეული პუნქტების) არაჯეროვანი შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 1%-ის ოდენობით.

9.4 იმ შემთხვევაში თუ მიმწოდებლის მიერ გაწეული მომსახურების/აღებული ვალდებულებების არაჯეროვანი შესრულების გამო, შემსყიდველის მიერ მოხდა ხელშეკრულების ცალმხრივად შეწყვეტა, მიმწოდებელი ჯარიმდება ხელშეკრულების ღირებულების 10%-ით.

9.3 იმ შემთხვევაში, თუ პირგასამტეხლოს ჯამური თანხა გადაჭარბებს ხელშეკრულების ღირებულების 2%-ს შემსყიდველს უფლება აქვს (და არა ვალდებულება) ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

9.4 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

9.5 მომწოდებელი ვალდებულია იღებენ უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში. ან წერილობით დადასტურონ მის გამოკლებაზე ანგარიშსწორების პერიოდისათვის, ასეთის არსებობის შემთხვევაში.

9.6 იმ შემთხვევაში თუ ხელშეკრულების გაფორმების შემდეგ მოწოდებელი უარს განაცხადებს მის შესრულებაზე შემსყიდველს ერთჯერადად გადაუხდის ჯარიმის სახით ხელშეკრულების ღირებულების 20%-ს.

9.7. ჯარიმის გადახდა არ ათავისუფლებს მიმწოდებელს ვალდებულებების შესრულებისაგან.

9.8. მიმწოდებელი ვალდებულია გადაიხადოს დაკისრებული ჯარიმა შემსყიდველის წერილობითი შეტყობინებიდან 10 დღის ვადაში, ასევე შემსყიდველი უფლებამოსილია მოხდინოს საჯარიმო თანხის ჩამოჭრა სანაზღაურებელი თანხიდან.

10. მხარეთა უფლება-მოვალეობები

10.1. „შემსყიდველი“ ვალდებულია:

10.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

10.2. „მიმწოდებელი“ ვალდებულია:

10.2.1. მიაწოდოს „შემსყიდველს“ „საქონელი“, რომელიც სრულად შეესაბამება ხარისხით და სხვა მონაცემებით „შემსყიდველის“ დაკვეთას.

10.2.2. დროულად შეასრულოს ხელშეკრულებით ნაკისრი ყველა ვალდებულება.

10.3. „შემსყიდველი“ უფლებამოსილია:

10.3.1. მოითხოვოს „მიმწოდებლისგან“ ხელშეკრულების ყველა პუნქტის შესრულება.

10.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

10.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

10.3.4. მიმართოს სასამართლოს ან სხვა შესაბამის ორგანოებს „მიმწოდებლის“ მიერ ხელშეკრულების პირობების დარღვევის გამო და მოითხოვოს ზარალის ანაზღაურება;

10.4. „მიმწოდებელი“ უფლებამოსილია:

10.4.1. მოითხოვოს „შემსყიდველისაგან“ მის მიერ მიწოდებული „საქონლის“ ღირებულების სრული ანაზღაურება.

10.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „საქონლის“ მიწოდება ან მის წინაშე დადგა დაუძლეველი ძალა.

10.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

10.4.4. მიმართოს სასამართლოს ან სხვა შესაბამის ორგანოებს „შემსყიდველის“ მიერ ხელშეკრულების პირობების დარღვევის გამო.

11. მხარეთა პასუხისმგებლობა ხელშეკრულების პირობების დარღვევისათვის

11.1 მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

11.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

11.3. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, განურჩევლად მისი ობიექტური მიზეზისა გამოიწვევს საჯარიმო სანქციებს.

11.4. ხელშეკრულების შეწყვეტა მთლიანი ან ნაწილობრივი შეწყვეტა მხარეთა მიერ წერილობითი შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია.

11.5. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

11.5.1. თუ მიმწოდებელს ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „საქონელი“;

11.5.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „მომსახურების“ მიწოდება სრულად ან დადგენილ ვადებში.

11.6. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისგან.

11.7. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:

11.7.1. თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე;

11.7.2. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.7.3. „მიმწოდებლის“ გაკოტრების შემთხვევაში.

11.8. საჯარიმო სანქციები რეგულირდება საქართველოს მოქმედი კანონმდებლობის შესაბამისად.

12. დაუძლეველი ძალის მოქმედება

12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

12.2. ამ მუხლის მიზნებისათვის დაუძლეველი ძალა ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებთან და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იყოს საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით, რომელსაც ცნობენ მხარეები.

12.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისგან.

12.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

13. სადაო საკითხების გადაწყვეტა

13.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

13.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავას გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს

14. გამოსაყენებელი სამართალი

14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონის მიხედვით.

15. ხელშეკრულების ენა

15.1. ხელშეკრულების ენაა ქართული. ხელშეკრულებასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

16. ურთიერთობა მხარეებს შორის

16.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

16.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო ადრე დადგება.

17. ხელშეკრულების სხვა პირობები

17.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

17.2. „მიმწოდებელს“ არ აქვს უფლება წერილობითი თანხმობის გარეშე მოახდინოს მესამე პირისათვის უფლებების გადაცემა.

17.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.

17.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით აცხადებენ ერთმანეთს და ღებულობენ ერთობლივ გადაწყვეტილებას.

18. ხელშეკრულების მოქმედების ვადა

18.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

18.2. ხელშეკრულების მოქმედების ვადა განისაზღვრება: 2022 წლის 31 იანვრის ჩათვლით.

18.3. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

18.4. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

19. განსაკუთრებული შენიშვნები

18.1. ხელშეკრულება დამოწმებულია კვალიფიციური ელექტრონული ხელმოწერით ან/და კვალიფიციური ელექტრონული შტამპით.

18.2. ხელშეკრულება ძალაში შედის მიმწოდებლის მხრიდან ხელშეკრულებაზე კვალიფიციური ელექტრონული ხელმოწერით ან/და კვალიფიციური ელექტრონული შტამპით დამოწმების თარიღიდან.

20. მხარეთა რეკვიზიტები

დაწესებულების დასახელება	„შემსყიდველი“ შპს „ფსიქიკური ჯანმრთელობის და ნარკომანიის პრევენციის ცენტრი“	დაწესებულების დასახელება	„მომწოდებელი“ შპს „დენიმა“
	რეკვიზიტები:		რეკვიზიტები:
ს/კოდი:	404945164	ს/კოდი:	406148048
მომსახურე ბანკი:	ს/ს „თი ბი სი ბანკი,,	მომსახურე ბანკი:	ს/ს „თი ბი სი ბანკი,,
ბანკის კოდი:	TBCBGE22	ბანკის კოდი:	TBCBGE22
ანგ/ანგარიში:	GE75TB7810436020100002	ანგ/ანგარიში:	GE65TB7286336020100003
მის/იურიდიული	ქ. თბილისი, ქავთარაძის ჩიხი №2	მის/იურიდიული	მოსკოვის გამზირი კორ. 36გ. ბინა 65.
მის/ფაქტიური	ქ. თბილისი, ქავთარაძის ჩიხი №2	მის/ფაქტიური	
საკ/ინფორმაცია		საკ/ინფორმაცია	599 09 91 80; denima.ltd@gmail.com
გენერალური დირექტორი:		დირექტორი:	
ლ. კილაძე		მ. ბენიძე	

მომსახურების გაწევის აღწერილობა (დანართი 1)

ა) მზა საკვების მიწოდება უნდა განხორციელდეს ყოველდღიურად - ოთხჯერადი კვება ორჯერადი მოტანით. განსაკუთრებულ შემთხვევებში (მხარეთა შეთანხმებით) სამჯერადი ან ოთხჯერადი შემოტანით, პრეისკურანტში მოცემული ჩამონათვალისგან შედგენილი მენიუს კომბინაციების შესაბამისად, რომელიც წინასწარ განისაზღვრება შემსყიდველის მიერ ხელშეკრულების გაფორმების შემდეგ შემსყიდველთან შეთანხმებით; მენიუს შედგენა ხდება სეზონურად, ზამთრის და ზაფხულის. ერთჯერა დგება და მტკიცდება ერთი კვირის მენიუ. (მიმწოდებელთან შეთანხმებით, შესაძლებელია მოხდეს ორკვირიანი ან ერთთვიანი მენიუს შედგენაც). პაციენტთა რაოდენობა სავარაუდოა (29-35), შესაბამისად შესაძლებელია მოწოდება მოხდეს უფრო ნაკლები რაოდენობის პაციენტებზე, მათი ზუსტი რიცხვი ყოველდღიურად განისაზღვრება შემსყიდველის მიერ და წინასწარ, წინა ღამეს ეცნობება მიმწოდელს (ცალკეულ შემთხვევებში შესაძლებელია რაოდენობა დამატებით დაზუსტდეს დილის საათებშიც).

ბ) მომსახურების მიწოდება უნდა განხორციელდეს მიმწოდებლის მიერ საკუთარი ტრანსპორტით და ინვენტარით შემდეგ ფაქტიურ მისამართზე: ქ. ქუთაისი, ჩხოზაძის #20.

გ) მომსახურების მიწოდება უნდა განხორციელდეს საქართველოში მოქმედი სანიტარიული-ჰიგიენური ნორმების სრული დაცვით;

დ) „მიმწოდებელმა“ საკვები პროდუქტების მოწოდება უნდა განახორციელოს ტრანსპორტირებისათვის განკუთვნილი შესაბამისი ჭურჭელით, ისე რომ სრულად იქნას შენარჩუნებული საკვების კვებითი ღირებულება და ტემპერატურა. გამოყენებული ჭურჭელი, დაფასების სახე და სხვა დეტალები, ასევე მოწოდების კონკრეტული დრო და კონკრეტული მენიუ განისაზღვრება შემსყიდველის მოთხოვნის შესაბამისად. ამასთან, შემსყიდველის მიერ შესაძლებელია მოხდეს მენიუს დაკონკრეტება როგორც ზეპირსიტყვიერი, ასევე ელექტრონული ფოსტის საშუალებით, მიმწოდებელი ვალდებულია მოახდინოს მენიუს ცვლილება მოთხოვნის შესაბამისად.

ე) მიმწოდებელი ვალდებულია საკვების მომზადებისა და მოწოდებისას იხელმძღვანელოს შემსყიდველის მოთხოვნების/მითითებების და ამ სფეროში არსებული კანონმდებლობით განსაზღვრული რეგულაციების შესაბამისად. მიწოდებული საკვები უნდა იყოს ახალი, საჭმელად ვარგისი და არ უნდა იყოს ჯანმრთელობისთვის საშიში. ერთი პაციენტის დღიური ნორმა და კალორაჟი განისაზღვრება შემსყიდველის მიერ ხელშეკრულების გაფორმების დროს, რომელიც შეიძლება შეიცვალოს პერიოდულად შემსყიდველის მოთხოვნის შესაბამისად.

ვ) მომსახურება უნდა განახორციელოს შესაბამისი კვალიფიკაციის მქონე პერსონალმა;

ზ) მომსახურების მიმწოდებელ პერსონალს გავლილი უნდა ჰქონდეს სამედიცინო შემოწმება, ამასთან თუ პერსონალის სამედიცინო შემოწმება ჩატარებულია წინამდებარე ტენდერში ხელშეკრულების დადებამდე 2 თვეზე მეტი დროით ადრე, მიმწოდებელი ვალდებულია მომსახურე პერსონალს სამედიცინო შემოწმება ჩაუტაროს ხელშეკრულების მოქმედების პერიოდში შემსყიდველის მოთხოვნის მიხედვით. შემსყიდველი უფლებამოსილია ხელშეკრულების მოქმედების ნებისმიერ დროს (მათ შორის ხელშეკრულების დადების მომენტისთვის) მოითხოვოს ზემოაღნიშნულის დამადასტურებელი დოკუმენტები.

თ) მიმწოდებელმა, ხელშეკრულების გაფორმებიდან 30 კალენდარული დღის ვადაში უნდა წარმოადგინოს სურსათის ეროვნული სააგენტოს მიერ გაცემული შესაბამისობის შეფასების სერტიფიკატი იმ ობიექტზე, სადაც განხორციელდება საკვების მომზადება. იმ შემთხვევაში, თუ ხელშეკრულების მოქმედების პერიოდში მოხდა ობიექტის მისამართის ცვლილება (ან ადგილზე მდებარეობის ცვლილება), მიმწოდებელმა უნდა მოახდინოს განახლებული სერტიფიკატის წარმოდგენა ცვლილებიდან 30 (ოცდაათი) კალენდარული დღის ვადაში.

ი) მიმწოდებელს გაფორმებული უნდა ჰქონდეს ხელშეკრულება სადებიზნეფიციო სამსახურთან დეზინფექციის, დეზინსექციის და დერატიზაციის ჩატარების შესახებ. მომსახურების პერიოდში ამ სამსახურების მიერ გაცემული დასკვნები ჩატარებული სამუშაოების შესახებ უნდა ინახებოდეს მიმწოდებელთან და წარუდგინოს შემსყიდველს მოთხოვნის შესაბამისად. (მიმწოდებელს აღნიშნული ხელშეკრულება უნდა ჰქონდეს ხელშეკრულების გაფორმების მომენტისთვის, შემსყიდველი უფლებამოსილია ხელშეკრულების მოქმედების ნებისმიერ ეტაპზე, მათ შორის ხელშეკრულების გაფორმების მომენტისთვის მოითხოვოს აღნიშნული დოკუმენტების წარმოდგენა);

კ)) მიმწოდებელი ვალდებულია ზუსტად დაიცვას შემსყიდველთან მიწოდებული მენიუს შემადგენლობა, ამასთან ხელშეკრულების გაფორმების დროს, მიმწოდებელმა უნდა წარმოადგინოს და შემსყიდველთან შეთანხმდეს პრეისკურანტში შემავალი თითოეული პოზიციის მომზადების რეცეპტი. ულუფაში შემავალი იგრედიენტების რაოდენობა/კომბინაცია და კალორაჟი ასევე უნდა შეთანხმდეს შემსყიდველთან. ასევე ხელშეკრულების მოქმედების ნებისმიერ ეტაპზე გაითვალისწინოს შემსყიდველის დამატებითი მოთხოვნები და/ან შენიშვნები (როგორც წერილობითი ასევე ზეპირსიტყვიერი), რომელიც დაკავშირებული

იქნება მომსახურების გაწევასთან და მომსახურების გაწევის პროცესში ჩართულ პერსონალთან; შემსყიდველი უფლებამოსილია მიმწოდებლისგან მოითხოვოს მომსახურების გაწევისას გამოყენებული პროდუქტის შესყიდვის პირველადი დოკუმენტები.

კ) მზა საკვები პროდუქტები/კერძები უნდა იყოს ახალი და საფრთხეს არ უნდა უქმნიდეს ადამიანის ჯანმრთელობას. დაუშვებელია ვადაგასული და საკვებად უვარგისი პროდუქტების მიწოდება. შემსყიდველი უფლებამოსილია, ხელშეკრულების მოქმედების ნებისმიერ დროს მოახდინოს მიმწოდებლის მიერ მოწოდებული საკვები პროდუქტების ხარისხის, შემადგენლობის და ვარგისიანობის, ასევე კვების ობიექტის (სამზარეულოს) ბაქტერიოლოგიური ლაბორატორიული კვლევა წლის განმავლობაში როგორც საკუთარი ასევე მიმწოდებლის (კვლევა უნდა ჩატარდეს ლიცენზირებულ ლაბორატორიაში) ხარჯით. თუ ლაბორატორიული კვლევისას დადგინდა მოწოდებული საკვების პროდუქტების კალორაჟის, ხარისხის, შემადგენლობის და ვარგისიანობის შეუსაბამობა შემსყიდველის მიერ მოთხოვნილსა და არსებულ სტანდარტებთან, მიმწოდებელი ჯარიმდება ხელშეკრულების ღირებულების 2%-ით და იხდის კვლევის ღირებულებას იმ შემთხვევაშიც თუ აღნიშნული ჩატარდა შემსყიდველის მიერ. ხოლო შემსყიდველი იტოვებს უფლებამოსილებას ხელშეკრულების ცალმხრივად შეწყვეტის შესახებ;

ლ) შემსყიდველი უფლებამოსილია ნებისმიერ დროს მოახდინოს მომსახურების გაწევის ადგილის და მომსახურების გაწევის სანიტარულ ჰიგიენური პირობების შემოწმება/ინსპექტირება. მიმწოდებელი ვალდებულია საკუთარი ხარჯით უზრუნველყოს აღმოჩენილი ხარვეზების გასწორება, ხელახალი შემოწმების დროს უარყოფითი შედეგის (შემსყიდველისთვის მიუღებელი სანიტარულ ჰიგიენური პირობების არსებობის/დარჩენის) შემთხვევაში, შემსყიდველი უფლებამოსილია დააჯარიმოს მიმწოდებელი არაჯეროვანი შესრულებისთვის ხელშეკრულების ღირებულების 2%-ით და/ან ცალმხრივად შეწყვიტოს ხელშეკრულება;

მ) „მ“ და „ნ“ პუნქტებით განსაზღვრული მიზეზით ხელშეკრულების შეწყვეტის შემთხვევაში, მიმწოდებელი ვალდებულია გადაიხადოს ჯარიმა არაჯეროვანი შესრულებისთვის ხელშეკრულების ღირებულების 10%-ის ოდენობით და ახალი მიმწოდებლის გამოვლენამდე საკუთარი ხარჯებით უზრუნველყოს პაციენტთა კვება სატენდერო წინადადების მოთხოვნების შესაბამისად;

„შემსყიდველი“

„მიმწოდებელი“

დანართი N2 პრესკურანტი

N	პროდუქტის დასახელება	ზომის ერთეული	ერთი ულუფის რაოდენობა ცალი/გრამი	ულუფაში პროდუქტის რაოდენობა	პრეტენდენტის მიერ შემოთავაზებული ფასი
1	პური ხორბლის თეთრი (თეთრი/რუხი)	გრამი	450	450	0,7
2	ჩაი (ერთჯერადი პაკეტებით)	ცალი	1	1	0,13
3	კარაქი ცხიველური 82%	გრამი	20	20	0,5
4	შაქარი	გრამი	15	15	0,05
5	ყველი იმერული	გრამი	30	30	0,45
6	ხაჭო არანაკლებ 6%	გრამი	50	50	0,5
7	ხილფაფა	გრამი	50	50	0,35
8	არაჟანი არანაკლებ 15%	გრამი	50	50	0,5
9	მანის-ფაფა რძით	გრამი	280	280	0,7
10	შერის-ფაფა რძით	გრამი	280	280	0,7
11	ბრინჯის ფაფა რძით	გრამი	280	280	0,7
12	დაღვრილი ხორბლის ფაფა რძით (პალტავკა)	გრამი	280	280	0,6
13	მოხარშული კარტოფილი კამით მცენარეული ცხიმით	გრამი	200	200	0,5
14	წიწიბურას გარნირი მცენარეული ცხიმით	გრამი	200	200	0,53
15	მაკარონი ჩაშუშული ხორცით	გრამი	250	70/180	1,8
16	მაკარონი-ყველით მცენარეული ცხიმით	გრამი	250	70/180	1,1
17	მაკარონის ან ვერმიშელის გარნირი მცენარეული ცხიმით	გრამი	200	200	0,6
18	ჩაშუშული კომბოსტო მცენარეული ცხიმით	გრამი	200	200	0,6
19	კარტოფილის პიურე მცენარეული ცხიმით	გრამი	200	200	0,6
20	ბორში	გრამი	450	450	0,8
21	მაწვნის შეჭამანდი	გრამი	450	450	0,8
22	ბრინჯის სუფი	გრამი	450	450	0,8
23	ლობიოს სუფი	გრამი	450	450	0,8
24	მუხუდის სუფი	გრამი	450	450	0,8
25	მაკარონის სუფი	გრამი	450	450	0,7
26	სუფ-ხარჭო საქონლის ხორცით	გრამი	450	80/320	2,2
27	ჩიხირთმა ქათმის	გრამი	450	80/320	1,6
28	მწვანე ბორში	გრამი	450	450	0,85
29	ქათმის კატლეტი	გრამი	150	150	1,3
30	გულფთა საქონლის ხორცით წვნიანი	ცალი	400	50/50	1,5
31	ტოლმა საქონლის ხორცით, კომბოსტოთი/ბულგარულით	გრამი	300	300	1,55
32	კატლეტი საქონლის ხორცით	გრამი	110	110	1,4
33	საქონლის ხორცის რაგუ ;ოჯახური"	გრამი	300	50/250	1,65
34	თევზი (ფილე) შეშვარი (მშრალად ან ქინძმარში)	გრამი	100	100	1,6
35	ბოსტნეულის ტოლმა ბულგარული	გრამი	250	250	0,80
36	უზბეკური ფლავი საქონლის ხორცით	გრამი	210	40/170	1,4
37	შილა-ფლავი საქონლის ხორცით	გრამი	210	40/170	1,35
38	აჯაფსანდალი ბოსტნეულის	გრამი	250	250	1

39	ხილის კისელი	გრამი	170	170	0,35
40	ხილის კომპოტი	გრამი	150	20/130	0,35
41	ასკილის წვენი	გრამი	100	100	0,3
42	ხილი (სხვადასხვა სახის,შემსყიდველთან შეთანხმებით)	გრამი	150	150	0,5
43	მაწონი	გრამი	150	150	0,6
44	ხაჭაპური /ფენოვანი	გრამი	120	120	1,2
45	ხაჭაპური იმერული	გრამი	120	120	1
46	კარტოფილის ღვეზელი	გრამი	120	120	0,85
47	ნამცხვარი (ვაშლის პეროგი)	გრამი	100	100	0,85
48	ლობიანი	გრამი	120	120	0,85
49	ფუნთუშა	გრამი	100	100	0,6
50	სალათი მაიონეზით	გრამი	200	200	1
51	ბრინჯის ფაფა ქიშმიშით ან ხილით	გრამი	220	40/180	0,85
52	ხაზახუბა (ვინეგრეტის სალათა)	გრამი	200	200	0,75
53	კომბოსტოს სალათი ზეთით	გრამი	200	200	0,6
54	კომბოსტოს სალათი მაიონეზით	გრამი	200	200	0,8
55	ყვავილოვანი კომბოსტოს სალათი მაიონეზით	გრამი	200	200	1
56	კიტრი-პომიდვრის სალათი	გრამი	100	100	0,5
57	სოსისი რძიანი	გრამი	50	50	0,6
58	ტომატის საწებელი	გრამი	50	50	0,3
59	ტყეშლის საწებელი	გრამი	50	50	0,3
60	შეშვარი ქათამის ბარკალი	გრამი	150	150	1,35
61	მოხარშული ქათამის ბარკალი	გრამი	150	150	1,5
62	მოხარშული კვერცხი	ცალი	1	1	0,4
63	ტიფტელი საქ.ხორციტ ტომატის სოუსში	ცალი	2	50/50	1,5
64	სოუზი საქონლის ხორციტ	გრამი	250	30/220	1,65
65	გოზინაყი	გრამი	20	4/16	0,54
66	პასკა სააღდგომოდ	გრამი	125	125	0,6
67	ჩურჩხელა	ცალი	1	1	0,8
	სულ პრეისკურანტის ჯამი				57,00

გენერალური დირექტორი:

ლაშა კილაძე

"მიმწოდებელი"

დირექტორი:

მალხაზ ბენიძე